

námsstyrkja. Skólastjóri barnaskólans í Hvammshreppi skal hafa tillögurétt um 97
úthlutunina.

27. júní

5. gr.

Höfuðstól sjóðsins má aldrei skerða, en stjórn hans ákveður hvenær nota skal
vextina til úthlutunar námsstyrkja.

6. gr.

Sérstök minningarspjöld skal gera fyrir þá, er gefa vilja minningargjafir í
sjóðinn. Enn fremur skal færa í sérstaka bók nöfn allra þeirra sem minnt er með
minningargjöfum. Sjóðstjórnin ákveður hvar minningarspjöldin skuli vera til sölu.

7. gr.

Sýslunefnd Dalasýslu skal velja mann til að endurskoða árlega reikninga sjóðs-
ins.

8. gr.

Leita skal staðfestingar forseta Íslands á skipulagsskrá þessari.

Kýrrunnarstöðum, 17. júní 1946.

Guðjón Ásgeirsson.

REGLUGERÐ

98

um viðauka við reglugerð nr. 129 9. júlí 1945, um veltuskatt.

28. júní

1. gr.

Veltuskatt skal reikna af heildarandvirði seldrar vöru eða þjónustu.
Vörur látnar í vöruskiptum til greiðslu skuldar eða til kaupgreiðslu skal meta
eftir venjulegu verði slíkra vara á hverjum stað þegar vöruskiptin voru gerð. Sama
máli gegnir um vörur, sem verktaki lætur af hendi með verki sínu gegn endurgjaldi,
vinnu og aðra þjónustu, sem innt er af hendi án sérstaklega ákveðins kaups.

Svo skal einnig meta vörur, sem eigandi verzlunar tekur út til eigin þarfa.

2. gr.

Undanþegið er veltuskatti:

- Smásöluvelta á mjólk og mjólkurafurðum.
- Smásöluvelta á kjöti og kjötafurðum, að því leyti, að innkaupsverðið á kjöti
til smásölunnar skal dregið frá smásöluveltunni.
- Andvirði vara seldra í umboðssölu þegar veltuskattur er lagður á vöruna í
heildsölu þeirri, sem varan er seld fyrir í umboðssölunni, enda sé varan þá
einnig seld í veltuskattskyldri smásölu.

3. gr.

Reglugerð þessi, sem sett er samkvæmt 10. gr. laga nr. 62 12. marz 1945, um
veltuskatt, öðlast þegar gildi.

Fjármálaráðuneytið, 28. júní 1946.

Pétur Magnússon.

Magnús Gíslason.